



„Gæða, son boatta balvaiguim, ja juokke čalbme galgga su oaidnet, maidai si guđek læk su čadarettim.“

Nr. 20. 20ad jakkegördde.

Korsfjordast 30ad oktober 1918.

Redaktor: Henr. Olsen.

Bakte don gi cuovkkanik,
čiega ječad sisa mu!
Varraravnjek golgadek
olguš rabas sarjinak.
dak mu suddost buttestek,
dak mu vaimo dalkodek.

Agalaš rakisvuotta.

„Duodai, agalaš rakisvuodain
läm mon rakistam du.“

Lækgo don goassege orostam
ja guoratallam dam famolaš sane:
Agalaš rakisvuotta? Lækgo
don jurdašam maggar bodnetes
sistdoallo dast læ? Jos dat lifči
čužžom dat læ gukkes rakis-
vuotta, mutto dast læ sardnomuš
agalaš rakisvuoda birra, rakis-
vuotta mast i gavnun alggo daihe
loappa.

Maggar likko ja jedditusa i
dadde gavnun dam duottavuoda
siste. Dat læ Ibmel gi sardno, ja
sardnomuš olgušboatta su vaimost.

Gen læ son rakistam? Aido
du ja mu, nuft dievva suddost ja
bahavuodast go moai ledne, nuft
hirmoset go moai ledne bagjel-
duolbmam su basse laga, čiegnal-
let vugjom værredagoi sisa. Sat-
tago Ibmel duodai rakistet mu,
gutte dovdam dušše billašume je-
čari siste juokke aige? Ja gost
oainam mon dam?

Gula dal! Jos don gæčastak
Golgatai, ja don læk vissaset gul-
lam namatuvvumen Golgata, de
oainak don dobbe ovta erinoamaš
oainatusa. Don oainak Ibmel ječas
allaget rakistuvvum barne hæng-
gamen garrodusa muora alde dego
dat stuoremus værredakke. I dat
læk dušše olbmuš, mutto maidai

Ibmel gutte hængga dast alme ja
ædnam gaskast.

Dasa Golgata russi læ spikara-
stujuvvum Jesus, dat vigetemus,
dat basemus gi goassege læ gavnun.

Manditi hængga son dast? Man-
diti raigeduvvujek su giedak ja
jułjek nuft goavvaset? Manditi
čadarettijuvvu son, su varra gol-
gatuvvu dai stuoremus gillamušai
siste? Manditi givseduvvu Jesus
ællenaga jamas? Maid galgga dat
makset attē hærvasvuoda Hærra
ješ valdda min hæpadlaš ranga-
stusa bagielasas, dam maid mi
ænamlaš madok lifčimek berrim
ainasrak oažžot?

Juo, dat læ agalaš rakis-
vuotta, loapates stuores, ja aido
dast Golgatast oainak don dam
agalaš rakisvuoda ouddanærradæ-
men famolemuset ja stuoremusat,
aido dast oainam mon mu oudast-
loaidastægjam, mu sagjasažžam
jukkamen Ibmel moare bačča gæra
— buok mu diti.

Imgo mon dal berre hæpanet,
imgo mon galga čalmidam čiekkat,
dovdastedin atte mon ješ, gutte
läm fastet suddodam, lifčim dar-
bašam gillat? Mutto dal væltam
rangaštusast, dubmitusast, jabme-
mest ja helvetest, dainago agalaš
rakisvuotta buolla acagastemin Ib-
mel vaimost munji, aido munji,
gutte läm dušše muoldda.

Moft galgam mon sattet gitet
ja gudnijattet mu rakis Jesusam
daggar bodnetes rakisvuoda oudast?
Maid galgam mon addet sudnji
čajetam diti atte mon bijam hui
stuora hadde su lonastuđuoje ala
mu oudast?

Juo, mon addam mu suddolaš,

betolaš vaibmom, mu vaivan si-
lom, mu heitoges allemam, mon
addam daid sudnji. I son goit
hilgo daid, go son juo nuft allaget
læ mu bahas suddolaža rakistam.

Ja de vuostaivaldam vuollegaš
datoin ja vaimolaš gitosin su an-
saškættes armo, su frija lonastusa,
mon vuostaivaldam dam siskaldas
iloin, dainago mon oažom dam
aibas addas, nuftgo dat divvrases-
mus skænkkä.

Vuoi, dat læ juo imaš! Dat i
læk galle atte Ibmel ješ læ addam
ječas basse høga jabmemi, son i
aigo maidai logatallat munji mu
hirmos ollo væire lagoid, son aiggo
suppit daid abe bodnai, vajaldat-
tet daid aibas. Ja de oažom vela
Kristusa olles vanhurskesvuoda
aldsesam oabmen, ja ain oaidna
Ibmel mu ječas barne siste nuft
buttesen dego mon im goasse-
ge lifči suddodam.

Na dat gal bagjelmanna buok
mu ovtagærddan jierme ja uccan
jurdašamfamo. Mu jierbme i sate
suggardet dam.

Daggar rakisvuoda mon im læk
goassege mudoi oaidnam, dat fertte
læt duodai agalaš, mi satta dak-
kat daggar imašdujid.

Dal mon datom læt Ibmel ra-
kis manna, Jesusa æcalaš usteb
sikke ællem ja jabmem siste, gid-
da agalažat. Dal im aigo mon šat
bærgalaga balvvalet, dastgo son
læ bahas, garra, gavveles hærra,
gutte datota dušše baha gævate
mu guovddo. Sust i læk mikkege
vuoiggadvuodaid mu vaimo bagjel,
gukken erit; mutto aivefal dat
lades bæste, gutte læ lonestam
mu nuft divrraset.

Vuoi, don imašlaš rakisvuotta

Ibmel vaimost, du arkalmastem oudast fertte satan stuora hæpadin eritgaidat, gadaštedin munji dam hærvvas vuoto ja ilo, maid mon oažom go mon oamastam Jesus.

Arbmogas rakisvuotta, mi čiegak agalažat mu værredagoid ja du lieggos fatmin čarvvet mu ječad radde vuostai čavvgadet ja carnjalažat. Du im dato imge sate mon masset goassege; jos mon massam du, de mon massam agalaš ællem doaivo ja mu sillom duotta avo.

Agalaš, agalaš rakisvuotta!

H. O.

Dat illodatti su.

Dat dovdos sardnedægje George Whitefeld šaddai ouddal su jerggalusa ravvijuvvut muttom oskolaš nieidast occam diti bestujume Jesus siste. Dasa læi son gal miedalaš, mutto oaiveldi son fertti vuost buoredet ječas ouddalgo son læi dokkalaš boattet Jesus lusa.

Sust læi dastmanjel hui stuora sielovaddo, ja bedi muttom idded vaddaledin dam søemma nuorra nisson lusa, atte son i læm obba ijast dappam čalmid, ja latteisti: „Mon læm lappum, mon læm lappum!“

„Ibmeli lekus ramadus dam oudast, vuoi, moft dat illodatta mu!“ vastedi nisson.

Go nubbe dasto ibmašin jærai moft dat sati illodattet atte su siello læi lappum, laseti nisson:

„Mon læm juo gukka diettam, atte don legjik lappum, ja Ibmel læ maidai diettam dam, ja dat mi illodatta mu læ atte dal diedak ješge dam. Mutto ain æmbo illo-datta dat mu atte must læ dat sakka dudnji: „Jesus Kristus læ boattam mailbmai occat ja bæstet dam mi læ lappum.“

Drivadatte vastadus.

Muttom sarnodæme vuolde celki okta olmai, gi gukkeb aige læi bilkkedam kristalašvuoda: „Mon im osko mange Ibmeli.“

Okta nuora nieidda, gutte læi gukkeb aige gullam dam nuora olbma bilkkadusa, jærrali: „Manditi ik osko?“

Juo, dam mon dajam dudnji,

dainago mon im sate oaidnet su, ja jiermalaš olmuš osko duššefal, maid dat oaidna.“

„De adde andagassi,“ vastedi nieidda, „atte mon bælestam æpedam du jierme harrai; dastgo im monge sate oaidnet dam.“

Barggo læ arbmogaskoabme.

Dat kristalašvuotta — jogo dat bisso oaivest daihe vaimost — mi i dato barggat Kristus oudast, šadda farga laittevaš.

Dat dærvas ællem galgga alo læt doaimast. Barggo apasmatta suonaid ja čiekerid. Dat čuovvo danditi alo buristsivdnadus dast atte barggat Ibmel oudast, dastgo barggo læ arbmogaskoabme.

Fabmo ollaset vihatuvvum ællemest.

Muttom oskolaš franska nisson, gæsa legje oskelduvvum stuora arbmoadaldagak, ja gutte læi ollaset vihatam ječas ællem ja sielo Ibmeli, gavnai guorataladedin maggar hærvvas sistdoallo dadde læ daina sanin: „Gæča, mon addam digjidi famo duolbmat gærbmašid, skorpionai ja buok vašalaža famo.“ Luk. 10, 11.

„Vuoi,“ cælkka dat nisson, „dat læ stuores: *n a v c a i d b a g j e l v a š a l a ž a f a m o!* Aido dast goggo son læ gievramus, galgam mon vuoitte, i aivefal duoggo ja daggo, duolle ja dalle, mutto ællassi buok su famo bagjel. Dam celki Jesus. Igo dat læk galle dasa atte mannat soadaidet?“

Nisson dovdai apasmattujume ječas vaibmoi, go son čali dam.

Čoavda ču basset gævatæbmai gavdnui su olles, doattalægje, biettalmættos halddoiaddemest Ibmeli, man birra son ješ muittala čuovvovažat;

Dat læi ovta adventsodnabæive decemberest 1873, atte mon æska aiccim audogasvuoda dast atte ollaset addet ječas Ibmeli. Mu si-skaldasa ouddi idi fakkistaga dat čuovgga: atte dat fertte šaddat olles vuollaiaddujubme ouddalgo dat šadda olles audogasvuotta. Vuost oidnim mon atte Jesus Kristus Ibmel barne varra buttesta mu buok suddost. Ja dat šaddai

čielgos munji atte son gutte nuff buttesti mu, sust læi maidai fabmo varjalet mu buttesen. De addim mon ječam ollaset ja æftadkætta su varjalussi.

Ja dam bæive rajest læi son su pœnnas ja ællemes bokte stuora buristsivdnadussan. Su doaimatusak læ čadacieggaduvvum vuoina duottavuoda dolast ja čabbesvuodast. Ja su salmain ja bajasasatægje bittain lokkujuvvui, atte son sarnoi njulggistaga Ibmel vaimost olbmui vaimoidi.

Dat duottavuotta ouddanšærra dast čielggaset: Ibmeli ollaset vihatuvvum ællema mavvolašvuotta ja fabmo.

Miššon-sagak.

Friagirkko særvvevuotta

læk maidai dam čavča doallam su oktasaš stuora jakkečoaggalmasa, gost særvvegoddid ja miššona moaddelagaš ašek læ dutkujuvvum, gost vægjeles mærradusak læ bigjuvvum fabmoi dam odđa doaimatusjakkai.

Girkkolaš čoakkaiboattem (synodemote) dollujuvvui dam jage Kristianiast. Ja ollo særvvegoddid saddagak ja mudoi ærak særvvevuoda oskolažain legje dokko čoagganam.

Girkkosærvvevuoda jakkerekegdakkamest oidnujuvu, atte dast læk 51 særvvegodde dam jage. Obba girkkosærvvest læk 30 oudastčuožžo (forstander). Mieldelattoi lokko oktanağa manaiquim læ 12,781. Dast læk 50 sodnabæiveskuvlak, ja 6920 manak, gæk vazzek sodnabæiveskuvlain.

Obba girkkosærvvevuodast læk 63 girkko. Mavsovuotta daina galgga læt 803,550 kruvna ouddi.

Dak oktibigjum særvvegoddid sisaboadok læmaš rekegdakkam jagest 166,270 kruvna, olgusgolok 134,571 kruvna.

De bottek sisaboadok dai moaddelagaš miššongierragidi. Oudemusast čuožžo Samecednam-miššona nuffgo nr. 1, mi sisaboadoidi guoska. Dam miššongierragi læ friadatolaš addaldagai bokte sisaboattam 100,700 kruvna, oudeb rekegdakkam jagest 77,508 kr. ja 57 evre.

Kinamiššona sisaboadok čajetek 16,089 kr. ja 79 evre. Judalašmiššona

624 kr. ja 95 evre.

Sisaboatto sodnabæiveskuvlai biso-
tam diti læ 2007 kr. ja 31 evre. Sisa-
boatto bajasdoalatam diti miššona
barggid mañestbaccid læ 18,277 kr. ja
68 evre. Nuoragærdeskuvli 2,596 kr.
ja 65 evre.

Girkkosærvvevuodast læ barggek
gosi mietta min ædnam, jos vel bied-
gotge. Ja Sameædnamest bisotuvvu
miššondoaimatus sikke jotte ja nana-
asse barggi bokte. Okta manaisida,
okta boarrasisida ja soames bivddi-
sidak bisotuvvujek doaimatedin sin
stuora vaibmoladesvuoda-dago.

*

»Hærrast læ dat dakkujuvvum, ja
læ imaš min æalmi oudast.« Mark.
12, 11. Juo, Hærrai lekus gudne ja
maidnom, gutte læ dovddadam dam
særvvevuoda miššondoaimatusa imaš
lakai. Son læ valljogasat buristsivd-
nedam dam uccanaža, mi ollo olmuš-
laš hærgjuvoda čada læ oudeduvvum
hættegillajegjidi vækken, suddolažaidi
bestujubmen ja Ibmel nammi gudnen.
Ibmel buristsivdnefidži valljogasat mai-
dai čera miššonservid doaimatusa sikke
Sameædnamest ja muđoi birra buok.

»Lagjo læ stuores, mutto barggek
ucean,« læ Jesus čalkkam. Ja mi
oaidnem dam dævvaset. Damditi gai-
beduvvujek ain arvad ollo barggek
Hærra stuora vidnegarddai guoddem
diti olgus ællem sane armo ja bestu-
jume birra Kristus siste — olbmak ja
nissonak, guđek læk devddujuvvum
vuoina dolast, duottavuoda duodaštu-
sast, ja guđek Hærra čuovgast oidnek
agalašvuoda-arvo jabmemættom sieloin
goeid vaimok læ cakketuvvum Jesus
rakisvuodast.

Dak guđek læk ožžom goččom ja
oaffaruššek ječasek Hærra vidnegarde-
barggoi, æi galga diktet ječasek geđ-
đutuvvut mailme værre ouddandivo-
femin, ige doppit dam »vuoggasæktai-
maina dat giftala. Dat læ nuft ollok,
guđek sin aigestasek nuft hærvvaset
legje alggam vagjolet Hærra rafhesaga
gæino mielde, mutto guđek gæčastegje
birra, doppijegje ja roakkasegje vuggi
ja laddijegje mailme vuoiñhavkka-
degje salli — stuora morasen Ibmel
albmugi ja sagga vaibmosarjadatte
vahagen aldsesæsek. „Bærgalak jotta
birra dego gilljo legjon ja ocea, gæn
son sataši njielastet.« Damditi, goc-
cop, rokkadallop ja værjodekop ječa-
mek. Ibmel olles værjoiguim, vai mi

sattep soattat, vuotidedin su base
aše oudast ædnam alde dam bale go
vela læ barggobæivve. Ja go soatte
læ ollaset loappam, de mi oazžop vuoi-
ñadet min dagoinæmek ja navdašet
dam agalaš balka alelassi min hærv-
vasendakkujuvvum Hærra ja mæistara
sidast.

Darolaš Samemiššona

læ olgusaddam su 30. jakke-rekinastu-
jume. Dast oidnujuvu atte maidai
dima jage læ Darolaš Samemiššona
doaimatam stuora oaffardatolašvuodain
su vidaset olatatte miššonbargo, er-
noamačet Sameædnamest.

Ibmel læ valljogasat buristsivdne-
dam dam miššona doaimatusa sikke
rumašlaš ja vuoinalaš dile harrai,
nuftgo gæpedattededin vaive dai hætte-
gillajegji gaskast daina moaddelagaš
sajin.

Darolaš Samemiššona oaveldak læ
atte olgusaddet lomabibala samegilli,
mutto dak erinoamaš vaddes aigek
prentingoastedam harrai læ hettitam
dam bargo algatuvvumest.

Gi berre addet miššoni?

1. Dat gutte osko atte go Ibmel
celki atte bakenak aiggok šaddat ad-
dujuvut Kristusi, de oaveldi son dam,
son satta ja aiggo ollaštutet dam.

2. Dat gutte osko ruosa famo ala
bagjelvuoitet mailme.

3. Dat gutte illoda dam harrai atte
dal læ dat heivolemus go goassege
ouddal.

4. Dat gutte ibmerda atte son dušše
ovta garde ælla dabe, ja savva gola-
tet dam rievtoi.

5. Dat gæn savaldak læ šaddat
Kristus lakasažžan, gutte jami min
oudast.

6. Dat gutte aiggo šaddat gočču-
juvut oskaldas daloiseden, go Hærra
boatta.

(Hj.p.)

Bakenvuotta. Muttom ameri-
kanalaš nisson, gutte læ jottam daina
moaddelagaš miššonguovloin Asiast,
čalla dilalašvuodai birra Kinast:

Smavamanaid vuovdem ja oastem
golla ain bæivalaš gævatusaidi, ja atte
nieiddamanna šadda sorbmijuvvut, i
læk juoga mi gulla dušše oudeš aiggai.

Muttom nissonlaš miššonara, gutte
oapati 30 nissonidi dai loge bakkomid,
datoi ovta bæive orostet ruoktot daid,

guđek legje rikkom bakkoma: »Don
ik galga goddet.« Ja gosi buokak
orostegje. Okta sist læi goddam vitta
su smava nieiddamanaines. Ja muttom
celki ovta hibalmissoni: »Mi æp diet-
tam atte dat læi mikkege boastovuod-
đaid dast atte goddet smavamanaid
ouddalgo don bottek ja muittalek dam
birra migjidi.«

Dam vides mailmest.

Suomaædnam „gonagas.“

Prins Friedrich Carl Tuisklandast
læ valljijuvvum Suomaædnam gona-
gassan, mutto son i aigo duostat dadde
vuostaiválddet truono ouddalgo guovte
jage gæčest.

Stuora ruttasuoladæbme

læ gieskad læmaš Stockholmast. Okta
20-jakkasaš æran-doimategje gandda
læi muttom bankost vuostaiválddam
225,000 kruvna ruđaid ja 50,000 kr.
ouddi mavsolasšbaparid, mutto son læi
bankovieso fæskarest mæidestuvvum
galmas ja buok ruđak rieveduvvum.

Okta aibmogirdde

læ fastain Danmarkost likkotuvvam.
Løitnanta Fries gæčai vuolas girdede-
din ja sorbmijuvvui.

Norga galgga oazžot potetosid Danmarkost.

Dam skandinavialaš galvolonotam
ráddadallam vuolde læ maidai soppu-
juvum, atte min ædnam galgga oaz-
žot oastemassi Danmarkost 250,000
farppal potetosid. Daina galgga Kri-
stiania oazžot 100,000 farppal.

Dollačollumvarre Islandast

læ dast mañemusta dakkam stuora
billeduvvumid. Dat læ gukkes aigge
dassago Islanda dollačollovarre læmaš
doaimatusast.

117 olbmuvævvanam.

Okta amerikanalaš damppa læ lik-
kotuvvam olgobælde Englanda buok
olbmuguim, oktibuok 117.

Rika stuoremus væromakse

galgga læt akšiesærvve Rjukan-goržže
Telemarkost. Dast læ gosi 94 miljon
kruvna obmudak, 26 miljon ja 600,000

sisaboatto ja 2 miljon ja 200,000 kr. værro.

Garraset dpatuvvam dallo.

Okta dallo Hamarest læ garraset daivatuvvum spanskadavdast. Vuost jami ædne, gutte læi læska, 1 vakko mannel jami okta nuora bardne dalost. Dastamannelas jami okta boarrasebbo bardne ja okta nieidda, guðek læiga boattam ædnesga havddadæbmai.

Dal læ fast guokte nieida — dat okta Hamarest ja nubbe Lillestrøm-mest — vællamen hæjotbuoccen.

Spanskadavdda.

Dat bistevaš spanskadavdda oappaladda ain goavvaset min ædnam guovloid. Kristianiast læ maidai alggam oddasist hæjdet dat, erinoamaçet skuvlanuorai gaskast.

Troandemest læ 6000 olbmú dop-pitallam september manost ja bagjel 100 jabmam.

Hortenest hæjeda spanskadavdda garraset merrasoatteskuvla nuorai gaskast. 33 læ jabmam.

Sameædnamest hæjeda davdda dal hui akkedes lakai. Garašjogast læk moaddes jabmaru. Lævnjavuonast ja Kjelvikast læ manga olbmú jabmam spanskadavdast. Daiggevuona bivdoværast, Lagesvuonast læ ollo bivdek buoccamen dam davdast.

Mutto nuft ollo værranatte læ ain daggar dilalašvuodak albmuga guovddo dabe Sameædnamest, go doavtervække læ nuft hirmos ocalatte vanes, nuft aibas gaibbedatte go dal læ doaktarak ja dalkkasak. Dat læ juo moraslas gullat atte Vargai rajest Hammerfesti, oktanaga giellaiguim Bærralvække, Gamvika, Davvesida, Kjelvika, Goak-giedde ja Muosai læ dušše 1 — okta — doavter.

Mailme-soatte.

Rafhe læ lakka.

Ferttego Tuisklanda ollaset miedetet dai alliertai gaibbadusaidi?

Mi namateimek oudeb nummarest atte Tuisklanda læi datotam præsiðent Wilson dakkat værjo-orostæme ja alg-

get duodai oudedišgoattet rafhe-radda-dallamid.

Wilson læi garves vastedet Tuisklandi. Son ouddanbijai dai gaibbadusaid atte vuost galgai dat ruoktotgæset buok su soattevægast erit sikke Frankrikast, Belgiast ja muðoi daina æra anaosin, maid dat læi vuollasibigjam dam njælja soattejagest, oudal i læm sardnomuš værjo-orostæme harrai.

Go Tuisklanda læi vuostaivalddam Wilson rafhe-æftadusaid, fertti dat ædnam fast vastedet ja diettevassi ødDET obba mailbmai, atte dat læi miedas luovosluoitet buok vuollaibigjum anaosid.

Gaskotaga berre muittujuvvut atte i dat læk duššefal Wilson, gæst læi oktonassi fabino mæredet rafhe-æftadusaid, maidai Englanda ja Frankrika luidditægje olbmak, erinoamaš marsjal Foch, galgge ouddanbigjat sin datotusaid, mak legje æmbo vidasetmanne go dak maid Wilson læi ouddandivvom.

Mutto gaskotaga legje soames øuogga dam tuiska vastadus-çallagest, maidi Wilson i soappam, manditi son saddi ødða vastadusa Tuisklandi ja ouddandoalati garrasebbo gaibbadusaid çielgos saniguim. Nuft dubmi son fastet dai manemuš vuogjodemid passærðampai guovddo tuiskalažai bælest, ja vuollaimærkaši dævvaset atte værjo-orostæme i radda ouddalgo si maidai læ orostattam dam goaves mæravuolesoade. Ja vidasebbot galggek læt duššefal Amerika ja dai alliertai raðditusak, guðek mæredet rafhe-æftadusaid. Dasa vela gaibbedek dak alliertak nana vissesvuodda Tuisklanda bælest dasa atte dat i alge fast falletet soðin nuft farga go dat julgi ala læ bæssam.

Dat Wilson nubbe vastadus boði Tuisklanda ala dego galbmaçacceleikkijubme bagjel oaive, nuft atte dat happasi sæmmast. Ja rafhe alla doavvagak orro aibas havkkaduvvumen. Dak tuiska avisak sadde bæççages milli Wilson vuostai, ja muttomak arvvalægje Tuisklanda berri çoakkai-valddet jeças ja doppit dam manemuš hæibastæme vašalažain.

Gaskotaga fertti Tuisklanda fastain lagedet ødða vastadus-çallag Wilsoni, mast namatuvvu atte præsiðenti i galga buorrendovdatet rafhe, mi i læk soabalaš dam tuiska albmuga gudnin.

Wilson vastedi goalmadassi Tuisk-

landi atte Amerika i dato miedetet ucebuidi go atte duot ædnam dikta jeças soattevæga addujuvvut dai alliertai vuollaibigjami, aido nuftgo Bulgariain læ dakkujuvvum. Ige mikkege værjo-orostemid muðoigo Foch æftadusa mielde. Jos dak æi miedetuvvu, de aiggok dak alliertak vuorddet dasaçiigo vuoitto guodda sæddoid.

Dak alliertak læ juo gaskanæsek soappam ouddanbigjat sin nana gaibbadusaid. Dat vurdujuvvu duššefal, maid Tuisklanda dal fertte dakkat.

Mutto gaskotaga vuorddep mi hui stuora diettohaloin oažžot gullat moft rafhe-gaçaldagaim manna. Daiddep mi sattep boatte nummarest illodattet min lokkid daina hui buorre sagaim atte rafhe læ vuoitto dakkam.

Soade mannamin.

Dak alliertak vuittek ain.

Marsjal Foch »væçer-huškomak« bavkkek oroskøetta mietta dam gukkes oarjesoattesaje. Son matta mæstaruššat su soattehærra-çæppevuodain ja stivrit buok baddid su gieðaines imaš lakai.

Dak alliertak oudastmannek ain ja dakkek dam øvta vuoitto nubbe manest, josjoge çei nuft stuorrak go duvle. Dai erinoamaš çajetatte vuoitoid læk si dakkam Belgiast, læ ruoktotvalddam stuora oase dam belgialaš ædnamest, dai stuoreb belgialaš gavpugid: Lille, Ostende, Roulers, Brygge.

Mutto tuiskalažak læ friadatolažat ruoktotgæssam ænaš oase sin soattevægast Belgiast. Dat øidnujuvvu burist dast atte dai alliertai fangailokko læmaš nuft ucece dam maneb aige.

Serbien gagjubme.

Balkansoattesajest læ dak alliertak ruoktotvalddam dam serbialaš gavpug Nisch, mi læ dat stuoremus æreb oaivvegøvpug.

Ungarn luovosgaikko jeças.

Okta daina erinoamaš ødða dapa-tuain læ dat atte Ungarn læ gaikkom jeças luovos Østerikast. Nuft maidai gaibbedek dak moaddelagaš olmuš-çærdak ješfriavuoda. Kæisar Karl læ ferttim miedetet dasa.

Uccanaš ja uccanaš ouddanitta dal dat dovddodakko, atte juoga buore dam hirmos soade oaffarak ferttijek sakkanattet, mi satta gæpedet noðid manestboatte sogaidi.

Prenttejuvvum »Nuorttanaste« prentimrakkanusast, Korffjord'ast.